

EX LIBRIS
ILLVSTRISSIMI VIRI,
DN. DAN. LVDOLPHI,
LIB. BAR. de DANCKELMANN,
S. REG. MAI. BORVSS. CONSILIARII
STATVS INTIMI, cetera,
BIBLIOTHECÆ ACAD. FRIDERICIANÆ
TESTAMENTO RELICTIS.



93
106
HONORI

Nuptiarum

DOCTI, HONORATI ET

PRUDENTISSIMI

Viri,

D. IACOBI

GREGORII, PRÆTORIS
INCLYTÆ REIP.

SERBESTANÆ GRA-
vissimi, SPONSI,

ET

Lectissima pudicissimaq; virginis,

ANNÆ CHRISTINÆ,

Clarissimi viri, Dn. M. BALTHASARIS

KISVVETTERI, Professoris atque In-

spectoris Gymnasi Serbestani illustris me-
ritissimi, dilectæ filiae,

SPONSÆ,

Pia solennitate celebratarum Serbestæ

xxx. Maij, Anno novissimi seculi

M. DC. IIX.

Scriptæ Ἐφημίας à Collegis & amicis
candidis atq; sinceris.

Impressum Serbestæ Anno 1608.



IMAGO

Viduitatis, cum voto nuptiali, ex διχοτομία Βασι-
lij, Serm. in Martyrem Iulittam,

p. 148.

Ἐπειδὴ γὰρ ὁμοίως ἐγένεσθε οἱ δύο εἰς σάρκα μίαν, πολλὴ συγγνώμη
πρὸς τὴν διχοτομίαν ἔτι τῆς συναφείας διαίρεσιν μετὰ ἀλγημάτων
δεχομένη

Nnuic ut magnus Basilejus, tristis imago
Hæc, satis ἔστιν vidui est heu lacrymosa
tori :

Eximat ex hominis strictum si corpore ferrum,
Scindat ἔστιν in partes cor, mediumq; secet:
Terra hanc infodiens, siq; illam in sede priore,
Dissecti lateris forte reponat homo,
Quæ fibris agnata suis nova semina vitæ
Concipiat thalamis, igniculosq; novos:
Hinc sanguis crescens, hinc cæca secuta cicatrix,
Hinc tremula masse signa doloris hiant.
Contactuq; levi ruptum sine cuspide ferri
Cor miserum miserè palpitat atq; tremit:
Iteq; reditq; dolor multa vibice flagellans,
In quo fixum hæret cor sine luce, latus.
Nec mora, quin tepido vitam cum sanguine mittat,
Quòd marcore nimis languit antè gravi.

Affectum

Affectum ut fuerit tibi, Sponse, ex parte resectum.

Cor, non culpandus tu tibi testis eris.

E thalamo eripuit costam cum pestile virus,

Horret quod stupet & mens, anima atq; animus.

Christus CHRISTINAM tibi jam qui copulat, almâ

Cor sectum integrans virginitate tuum,

Consolidet vulnus, duo vestrum immittat in unum

Corda, omnes pestes hinc procul ire jubens.

M. Caspar Vlricus,

H Y M E N Æ U S.

T quorum elapsi tribularunt pectora Parcæ
Anni temporibus, vulnere, chara, gravi.
Emissæ Eumenidum jussu disrumpere vitæ
Stamina, vix & cui parcere jure suo.

Unde etiam virus vehemens & pestilis aura
Serpens emerfit, queis citò vita perit;
Et quorum molles nondum pia pectora flammæ
Tentârunt, sed adhuc usq; Hymenæus ovat,
Usq; Hymenæus ovat maturus, ab ubere glebæ
Fœcundus, turgens fertilitate Soli.

Amplius (ah) nequeunt soli traducere vitam.,

Et demtâ lateris parte carere sui:

Exposcunt vitæ sociam, auxiliumq; laboris,

Par junctum melius ducit aratra boum.,

in jure nono sua dant viduata vicissim
Pectora, virque viræ, & casta virago viro,
Matris Acidaliæ gremium quoque dulce subire
Hos monet, ipsa ætas, suaveq; tempus item.
Subdere colla jugo thalami sacra, jussa Jehovah
Suadent, conjugij & lætus inire torum.
Cessatum satis est! cum nullus Apolline doctus
Extet qui possit, solvere morte suam.
Eurydicen Orpheus cytharæ ut dulcedine solvit,
Plutonem, mulcens Eumenidesque graves.
Ergo Jacobe sacer cultor pietatis, amato
Et pars Aonidum consociata Choro.
Et Themidis magnæ vates jurisque sacerdos,
Civica componens bella, duella, probè;
Jure tuos linqvis mœrores, cordoliumque,
Cinxia dum indicit publica festa tibi.
Egregiam Parcæ sociam rapuere priorem,
Egregiâ rursus virgine dignus ades.
Virginis amplexu meritò vir doctus habetur!
Vir prudens Nymphæ jure latusque tenet!
Egregias Parcæ gnatas rapuere priores,
Egregio rursus germine dives eris.
Germine vir doctus spaciofo dignus habetur!
Vir pius & gnatos palmitis instar alit!
Hinc mea deposcis lætis gratantia tedis
Carmina, sed levibus tam pia facta canent.

Fonte

Fonte Medusæo nam ~~nam~~ vix mea labra rigavi,
Succensens Musis degener ipse meis.
Et tamen annitar magna poscente patrono,
Nomine amicitiae sponfus & ipse cupit.
Ante tibi notum quid Amor, quid fœdera casti
Sponse tori, cura hinc de Cythereide nova est.
Hâc docti pharetræ cernensq; Cupidinis Altrix,
Dixit iò; in casses præda petita venit.
En puer hamatæ laxat mox frena sagittæ
Impiger, & telo pectora cruda facit.
Hæret confixus dolet undique & undiq; JACOB
Dum novus in Veneris cassibus hospes erat.
GREGORIUS tacito præcordia tactus ab igne,
Uritur, & præsto est non medicina malo.
Cypripotens illi, subridens, talia fando,
Num regna effugies tu mea solus, ait.
Scis benè, scis verè quàm conjux casta dolores
Lenit colloquio conjugis usque suo.
Perfer & obdura capiet dolor hic quoque finem,
Quem tibi nunc pueri tela dedere mei.
Non tu solus eris captus stabulat sed & heicce,
Quæ tibi conueniens est, fera nota mihi.
Ore rubens, nigricans oculis, cui GRATIA nomen,
Plus quàm Sylvicolas Urbicolasque colens.
Præstanti formâ, vultûs, gressuque decent,
Nil quis abesse videt, quicquid adesse decet.

Quarta foret verè, si vellet Iuppiter almus
In numero Charitum quattuor esse Deas.
In Casses tecum cadet hæc modò, credito, tenfas,
Nam socium aut sociam semper habere juvat.
Quin stabili jungam thalamo, propriãq; dicabo,
Tempus ut hinc tecum transigat omne suum.
Ergò felicem te terq; quaterq; beatum,
O IACOBE, latus dum nova præda capit!
Ecce, dies omnes Kiefsvetteriana, dolori,
ANNULA CHRISTINA, est post medicina tuo.
Sit faustum ac felix! Nam convenientius ecquid
Hisce virens ætas vestra diebus agat.
Flora suis Zephyro jam nunc complexibus hæret
Et Progne Therei basia grata legit.
Et Philomela modos variat, dulcesq; hymenæos,
Therei non curans arma cruenta, canit.
Ergò lætus habe! nunc est deamabile tempus,
Quo aligerumq; genus, squamiferumq; calet,
Quin immò flammæ modò concipit omne crea-
Dulcibus & natis seq; suamq; beat. (tum,
Mater Terra, Æther pater, ecce furore liquecunt,
Parturit hinc quævis arbor, & herba lubens.
Ulmo se vitis nunc implicat, alta Corymbo
Gaudet nunc Ilex associare latus.
Isiacis pinis quoq; partica grata præaltæ est
Viminibus, quæ se sustinuisse queunt.

Et

Et tu solus agis JACOBE, nec esse maritus

Amplius, ut par est, expetis? absit; eris.

Arridet cœli facies, cœli accinit ales

Ingeminans; mirè nunc lyra mira lyra.

Ex sylvis querulus resonat sermone pelasgo:

πῆ, πῆ, πῆ. Thereus, ô philomela, redi.

Ingere tu contra sic lætæ in imagine vocis:

CHRISTINA huc, huc, huc, ô mea GRATA ve-

Talibus ipsa Venus dictis tua damna levabat, (ni.

Talibus & Paucis, nunc ego vota fero.

Sit faustum ac felix! è mensibus ac velut anni

Non ullus Majo se æquiparare potest:

Sic tibi non se alius Sponsæ æquiparare valebat,

Sic mulier Sponso virgove nulla tibi.

Pergite felices quò vos jam tempus & ætas,

Quò labor, & Summi Numinis ordo trahit.

Omnigeno Majus ceu gestit flore, viretque,

Vester sic vobis flos sit & usq; viror.

Ut calet in geminis Sol, est Pater atque Bimatris

Majus, sic sexûs prolem utriusq; date.

Cujus pòst semen triplicatum & quadruplicatū

Extet per terram, ut pagina sacra refert.

Sic vestris faveat tedis Deus omine fausto;

Sit cum prole domus, sit sine lite torus!

Hæc precor ut fiant vobis rata munera MAII,

Donec vos circum cana sedebit HYEMS.

A N A.

ANAGRAMMATISMI.
JACOBUS GREGORIUS:

Agorcibus ori; fugge.

ANNA-CHRISTINA CIESEVVETTERINA:
En nitar utier hac esca, annis, vieta.

ALLUSIO.

ANguror & Sponsi Sponsæq; quid ominus insit
Nominibus refero; res quia sepè subest.
Nam iuvat abstrusos nature expandere mores
Cum Chorus heic Charitum gaudia letus agat.
Verè Gregorius cognomine dicor, Iacob SPO.
Nomine sed proprio; sic anagramma monet.
Hinc de me gratam Sponsæ queo fundere vocem.:
Euge AGOR euge ORI nunc CIBUS ipse tuo!
Agris fecundi, plantarum SUGEM earum
Rorem quem, Superi contribuere mihi.
Posteque devotè gratam semper tibi & agro
Temperiem cœli, ne gravis imbre fuat.
Neu grando segetem, culmòsve, aut fulminis ardor
Igni vomit florem, aut Scabra rubigo premat.
EN ò Sponse mihi multum dilecte, VIETA, (SPON.
UTIER HAC ESCA NITAR, amore tui.
Dum cœlum ducit Tempus volventibus ANNIS,
Hosq; meos artus Spiritus intus alit.

Tur.

*Turturis instar ero, tua quæ mens, & mea, captet,
Vincula detq; Venus Gordia pectoribus.*

*Me solam, solo te cum, mea gaudia sunt,
Cumæ & Pylios vivere posse dies.*

*Teq; piâ, pulcrâ & multâ dare prole parentem;
Qui incipit & finit faxit id omne Deus.*

M. Bartholomæi Schroteri P.P.

A L I V D.

NON casu fiunt socialis fœdera lecti,
Nec solis hominum motibus atque vijs.

Sed Deus est, verò qui nectit amore duorum

Pectora, & afflatu perficit ipse suo,

Ut sponsus sponsæ proprium, sponsoq; vicissim

Sponsa dicet propriam seque suumq; thorū:

Alter & alterius cum consuetudine, vitæ

Exigere haud renuat tempora cuncta suæ:

Legitimeq; velit prolem generare, feracis

Dulcia connubij pignora, dante Deo.

Hoc animo quisquis vinclo sua colla jugali

Subdit, suscipiens mutui amoris onus:

Castis præsentem cœlesti numine votis

Supremum semper sentit adesse patrem.

Qua ratione genus vitæ hoc iniere, decenter

Quos nunc in templum ducit amica cohors.

B

Quod

Spōsa quidem Kisvvetterum sortita parentē est,
Insignem meritis & pietate virum.
Qui ludum hīc rexit multos feliciter annos,
Informans animos qua decet, arte rudes:
Gymnasiūq; illustre etiam nūc promovet, ornat,
Auet, & ingenuē re studioque juvat.
Instinctu cujus Christum quoq; noscere gnata,
Et justo didicit prosequi honore precum
Ac operas castis decoravit moribus, instar
Cecropiæ solers quas domi obivit, apis.
Sponsus item docto natus patre, (qui ordine cer-
Hac summū celebri munus in urbe gerit.) (to
Ejus ad exemplum Phœbi versatus in hortis
Ipse quoq; Aoniis labra rigavit aquis.
Et nunc ingenii magna cum laude, severo
Judicis integri fungitur officio.
Conjugiūq; subit leges ita ritè secundi,
Ut vera Christum relligione colat:
Sedulus auditor verbi, jungensq; laborum
In vigili castas sedulitate preces.
Quapropter ceptis quò celitus annuat istis
Clementer summi gratia summa patris,
Sponsumq; & Sponsam, sacro de monte Sionis,
Usq; salutari prosperitate beet:
Ipforum sanctis cum mentibus, unicé & unà
Exoptant omnes pectore & ore pij.

• M.

Θ. Μ) Ν οὐς θεός ὢν ἀγνός καλέεσθαι τῷ θεῷ ἀγνός
εὐχῶν ἀσθ' ἀγνάς σθεμά κέλευσεν ἔχθρο
εἰτ' ἀγαμός τις δρῶ ταύτας χαρίσσει γυναικός,
εἴτε γάμω ζευχθείς ἔσυν ἀκοίπῃ ἤ.
πῆς μόνον καθερῶ τ' Ἰησοῦν εἰσορῶν
πῶσις λυτρωτῆ μῦνον εἶται βροτῶν.

I. V.

Juno ad Aëolum, Æn. 1.

Sunt mihi bis septē præstati corpore nymphæ;
Quarum quæ formâ pulcerrima, Deiopeiam,
Connubio jungam stabili, propriamq; dicabo;
Omnes ut tecum meritis pro talibus annos
Exigat, & pulcra faciat te prole parentem.

ALIVD.

Res magna est thalami cōsortem ducere fidā,
Et dote castâ præditam.
Hæc sanare potest curas sermone benigno:
Hæc optimas parat dapes.
Hinc baccas vincit rubefacti gurgitis omnes,
Opesque Cræsi maximas.
Talem cum nactus sis, FRATER, munere IOVÆ,
Quis te beatum non vocet?

M. Jsaac Gregorij sponsi frater.

ALL

ALIVD.

ANxiè fuit hæctenus rogatum,
A multis, Vidua an fuis puella,
Annis integra, moribus probata,
Præferenda sit in toro jugali.
Pars præfert Viduam, probat puellã
Pars verò altera: nempe opinionis
Causas utraq̃ue habet suæ valentes.

Tu nunc iudicium JACOBE iudex
Profer, quæso tuum, tuoque tolle
Exemplo dubitationis anam.
En tollis: Viduam priore namque,
Duxisti vice sortis & laborum.
Jam ducis sociam altera Puellam,
Ævo quæ viget integro puellam,
Ore quæ nitet aureo puellam,
Bonis quæ valet ingenî puellam,
Quod si posteriora præferenda
Præcedentibus esse cogitata
Doctorum schola iudicat virorum:
Quis jam de dubij solutione
Querat amplius ambigatve, quod tam
Anxiè fuit hæctenus rogatum.

De properabam Prid. Cal. Iun. Anni 1608.

Petrus Ihena scholæ patriæ Collega.

EPI

EPITHALAMIVM.

Sic variat Deus ipse vices, moderator olympi,
Qui mare, qui terrā, qui sidera cuncta gubernat:
Ut tibi prædulcem, Prætor pie, conjugis usum
Abstulit atra dies, ita magni Conditor orbis,
Tristia præteriti qui nubila dispulit anni
Atq; tuas fecit curas & abire dolores,
Jam castam casto tibi jungit amore puellam.
Prodi ergo nove Sponse tibi tibi ducitur uxor,
Sol spargit rutilans meliori sidere lucem.
Et tuba dat signum, percellit Musica templum,
Aspice ut incedat, frontemq; pudore serenans
Libera eat vulgi doctus per murmura Sponsus,
Vota facit vulgus Sponso gratatus honorem,
Omnia letitiæ sunt dedita & omnia Sponso:
Quale sed ipse tuo nunc addam carmen honori?
An genus, an mores, an te Sponsæq; venustam
Formam, quâ excellit multas hac urbe puellas
Dicam? Sponse, parens tuus est, si vera fateri
Fas est, vir sapiens, doctus, nulliq; secundus
Ingenio, virtute, fide, pietate, labore,
Consilio longos urbi qui præfuit annos,
Illum non fastus, non vana superbia cepit,
Nec gravis esse studet cuiquam, sed comis in omnes,
Magnus & est nostra Musarum fautor in urbe.

Quid decus JSACI referam quoq, fratris? Apollo
Cui juvenum turbâ dedit aspectante Magistri
Nomen habere, scholæ patriæ qui præfuit olim,
Erudiens teneram magno sudore juventam,
Sed nunc egregiam sedem tenet inter honestos
Præclarosq, viros patriæ Camerarius urbis,
Ille diu salvæ prosit feliciter urbi.

Quid te sponse canam, juste & doctissime Prætor?
Musarum à teneris doctarum es castra secutus,
Et sacra continuo didicisti jura labore,
Queis status hoc toto constat civilis in orbe,
Functus es officii Cantoris munere felix,
Nunc verò in nostra Iudex componere lites
Urbe soles & res magnas tractare celebris.
Iam quid de Sponsâ pulchrâ laudabile dicam?
Que fuit à teneris pietati assueta, benignum
Iccirco Ihovam semper reverenter adorat,
Aurea quid memorem præstantis munera formæ?
Aspice quàm fulget rutilo formosior auro,
Eximiam decorat generosa modestia mentem:
Albos quid referam digitos? quid blandula lingua
Dona canam? Sponsam quod honestat habere supre-
Illi Ihovæ dedit rerum moderator & autor. (mus
Quid genus hinc Sponse referam, illiusq, parentem?
E vultu gravitas hujus non se vâ relucet,
Atq, virum facies mitem certè arguit esse,

Js teneris artes feliciter hausit in annis,
Unde magisterij clarum sortitus honorem,
Hinc in Ser-vestam è patria se contulit urbem,
Instituit teneram vera pietate juventam,
Magnaq; præclara meruit præconia laudis,
Nostri Gymnasij nunc est inspector, honesti
Et pietatis amans vir cuncta negotia laude
Eximiâ tractat, stipendia dicta ministris
Dat, qui verba Dei sunt templa scholasq; docentes,
Atq; scholis quoniam favit, doctasq; Camœnas
Dilexit coluitq; scholas mandavit adire
Aonias natis, Musis studiisq; dicati
Qui profunt nostræ terni feliciter urbi:
Primus enim didicit legum veneranda sacrarum
Iura, hinc multorum cum dexteritate gubernat,
Conficit & fausto comissa negotia fine,
Atq; salutatur nostra hac quoq; in urbe Professor,
Unde Licentiam habet supremum assumere Iuris
Utriusq; gradum Doctoris. Et ille secundus
Eminet in cœtu dignus præstante Senator
Et res atq; sibi commissa negotia tractat,
Officiûmq; gerit magnâ pietate fideq;
Tertius hîc nostram summâ cum laude juventam
Instruit in verâ Iho-væ, cui summa potestas,
Cognitione, fide, pietate & moribus aptis.
Singula quid referam? Sponsa es dignissima Spōso,

Tu



Tu quoq; Sponse piã pulchrãq; es virgine dignus,
Hac fruere, hac multos felix letare per annos,
Ambo pares ortu, fortuna, moribus ambo
Estis, non odium vestros perturbet amores,
Sed velut unanimes certant in amore columbæ
Sic etiam unanimes certate in amore, sacratu
Servet Amor semper tutã vos pacis in umbrã,
Vivite felices ambo, quos junxit amantes
Ipse Deus, quando duo pectora amantia jungit
Iuncta manent nemoq; potest disungere juncta.

Honoris ergo scribebam

Iohannes Coppenius Servestanus.

A L I V D.

Accipe conjugio, quã dat Deus ipse supremo,
Annam Christinam, Prætor amice, tibi:
Hancq; probam grato complectere corde puellã
Tuque puella pio grata fruare viro;
Et casti semper divina capeſſite jussa
Conjugibus castis gaudet adesse Deus,
Qui spõsum & spõsam multo cumulabit honore,
Vestraq; florebit prole beata domus.
Jam parvum hoc tenui properatũ carmen avena,
Mente bona Prætor accipe juste precor.

Martinus Mejerus Serveſt. Anh.

F I N I S.

№ 1996.

8

U

ULB Halle 3
 002 063 808



Sh

nicht aufg., da unvollst. u.
nicht zu ermitteln!

28 a / 50 / 1996 /

U 8 17

M

DX

Inches

1 2 3 4 5 6 7 8 9 10 11 12 13 14 15 16 17 18 19

Centimetres

Farbkarte #13

B.I.G.

Blue

Cyan

Green

Yellow

Red

Magenta

White

3/Color

Black

I
 RATI ET
 SIMI
 OBI
 RÆTO=
 E REIP.
 GRA-
 SI,
 q³ virginis,
 STINÆ,
 ALTHASARIS
 foris atque In-
 ni illustris me-
 filia,
 arum Serbest a
 vissimi seculi
 c.
 regis & amicis
 ceris.
 Anno 1608.

93
106

